



*Sabtu, 07 Mei 2022*

**Ogen: Kuan-kuanen 9:10-12**



**Bandu Jine Untungna**



Sada hal si lit ibas orangtua nandangi anak-anakna eme, sikap geluh anak e, janah e ibenaken ibas ndidik anak. Sekolah formal jadi sada cara si ilakoken orangtua guna nikapken geluh anak ku masa depan. Adi sirenungken, dirinta selaku nande janah, kai saja sienggo enggo silakoken nikapken ras mabai anak erngena ate nandangi pendidikennna? Jelas, kalak sierkemalangen man Dibata pasti mabai anakna nggeluh erkemalangen man IA saja , sabab eme ulu kepentaren.

Kitab Kuan-kuanen si jadi renungennta paksa enda nuratken maka: erkemalangen man Dibata eme dalan maka kalak banci jadi pentar. Sabab pengertin e banci idatken alu nandai Dibata ibas kebadianNa. Selaku kalak sitek, la banci lang malasi pengajarena alu ekemalangen ras patuh nandnagi pengajaren DIbata. Kepentaren erbahan umur gedang sabab adi la ia pentar bene me ia ibaabi pengajaren ras pengajuk doni enda. Umur si gedang la saja ibas angka, beligan tahun-tahun geluh si banci inanamina ras bentasina idoni enda. Tapi lebih asa sie, umur sigedang pe ialokenna rasa-lalap she rasa lalap arah kegeluhen kenca idoni enda.

Emaka kepentaren alu geluh erkemalangen man Tuhan me si man pebelinen ras man lumbanken man anak-anakta. Khususna nikpaken dirina guna ndatken masa depan, eme siipas-pasu ras irancang Dibata. Nerusken persekolahen alu pendidiken formal subuk si naik kelas bagepe si ikut guna seleksi ku perguruan tinggi.

Anak-anakta e arus erjuang sabab labo banci terus menerus si arak-arak ras sitatang-tatang, lit paksa ia jine si arus erbahan erbage keputusan guna gekuhna. Emaka isingetken adi pentar anakta e, ia jine si ndatken untungna, adi itulakna pe ia jine sirugi. Orang tua terjeng ermeriah ukur ras rasa bangga sijadi baginta.

☞ *Si tatang anakta alu kata pedah ras pertoton*